

✓

**ҚОРАҚАЛПОҒИСТОН РЕСПУБЛИКАСИ  
ВАЗИРЛАР КЕНГАШИНИНГ РАЙСИ  
ҚАРАҚАЛПАҚСТАН РЕСПУБЛИКАСЫ  
МИНИСТРЛАР КЕҢЕСИНИҢ БАСЛЫҒЫ**

---

**Н.Ерлеспесовга**

**М.Жумановга**

**Р.Зарикеевга**

**А.Исмаиловга**

**А.Сейтимбетовга**

**Ж.Идиятуллаевга**

**Вазирликлар ва идоралар раҳбарларига  
(рўйхат бўйича)**

**Шаҳар ва туманлар ҳокимликларига**

1. ЎзР Президентининг 2021 йил 30 ноябрдаги ПҚ-24-сон қарори **5-банди** ижро учун қабул қилинсин.

2. “Амир Темури жангавор байроғи учун” мусобақасини юксак савияда ташкил этишда ҳарбий округлар (бирлашмалар) ва ҳарбий қисмларга ҳар томонлама кўмаклашилсин.

Бажарувчи: О.Сапаров

А.Оттепов

Назорат: А.Атажанов

№ 3/1998

  
**Қ.САРИЕВ**

**04.12.2021й.**

# O'ZBEKISTON RESPUBLIKASI

## BOSH VAZIRI

А.Ж. Раматовга, Ж.А. Қўчқоровга

Мудофаа вазирлиги (Курбановга),  
вазирлик ва идораларга (рўйхат бўйича),

**Қорақалпоғистон Республикаси Вазирлар Кенгаши,  
вилоятлар ва Тошкент шаҳар ҳокимликларига**

1. Ўзбекистон Республикаси Президентининг “Ўзбекистон Республикаси Мудофаа вазирлиги кўшинларида “Амир Темур жанговар байроғи учун” мусобақасини ташкил этиш чора-тадбирлари тўғрисида” 2021 йил 30 ноябрдаги ПҚ-24-сон қарори раҳбарлик ва ижро учун қабул қилинсин.

**Қорақалпоғистон Республикаси Вазирлар Кенгаши,  
вилоятлар ва Тошкент шаҳар ҳокимликлари**

2. “Амир Темур жанговар байроғи учун” мусобақасини юксак савияда ташкил этишда ҳарбий округлар (бирлашмалар) ва ҳарбий қисмларга ҳар томонлама кўмаклашсин.


Мудофаа вазирлиги (Курбановга)

3. Манфаатдор вазирлик ва идоралар билан биргаликда жорий йил 31 декабрга қадар Ўзбекистон Республикаси Қуролли Кучларининг умумҳарбий низомларини тасдиқланишини назарда тутувчи Ўзбекистон Республикаси Президентининг фармони лойиҳасини Ўзбекистон Республикаси Президенти ҳузуридаги Хавфсизлик кенгашига киритилиши таъминлансин.

Х. Бердибаевга, Ш. Абидовга, О. Бузаратовга



2021 йил “01” декабрь  
№ 25/1-2956  
02.12.2021 й.







## O'ZBEKISTON RESPUBLIKASI PREZIDENTINING QARORI

2021 yil «30» ноябрь

№ ПК-24

### **Ўзбекистон Республикаси Мудофаа вазирлиги кўшинларида “Амир Тему́р жанговар байроғи учун” мусобақасини ташkil этиш чора-тадбирлари тўғрисида**

Ўзбекистон Республикаси Мудофаа вазирлиги кўшинлари ҳарбий хизматчилари қалбида Ватанга муҳаббат ва садоқат туйғуларини кучайтириш ҳамда жисмоний ва маънавий-интеллектуал тайёргарлигини ошириш, уларнинг жанговар-хизмат фаолиятида эришган ютуқларини муносиб рағбатлантириш, ҳарбий округлар (бирлашмалар) ўртасида соғлом мусобақа муҳитини шакллантириш мақсадида:

1. Ўзбекистон Республикаси Мудофаа вазирлигининг 2021 йилдан бошлаб Мудофаа вазирлиги кўшинларида ҳар икки йилда бир марта “Амир Тему́р жанговар байроғи учун” мусобақасини (кейинги ўринларда – Мусобақа) ўтказиш тўғрисидаги таклифига розилик берилсин.

2. Белгилансинки:

а) Амир Тему́р жанговар байроғи – она Ватанга, қасамёд ва хизмат бурчига садоқат, мардлик, жасорат, фидойилик, юксак маҳорат ҳамда ҳарбий шараф рамзидир.

Амир Тему́р жанговар байроғи ҳарбий округлар (бирлашмалар) шахсий таркибининг белгиланган вазифаларни бажаришга юқори жанговар шайлиги ва тайёргарлигини, ҳарбий хизматчиларнинг мустаҳкам ҳарбий интизоми, ғалабага бўлган интилиши, уларнинг жасорати, матонати ва фидойилиги ҳамда маънавий-маърифий етуклиги, шу билан бирга, Амир Тему́р ва бошқа буюк саркардаларимиз шонли анъаналарининг муносиб давомчилари эканларини кўрсатадиган тимсолдир;

б) мусобақа Мудофаа вазирлиги ҳарбий округлари (бирлашмалари) ўртасида жанговар шайлик ва оператив тайёргарлик, жанговар ва маънавий-маърифий тайёргарлик, қўшинлар хизмати, ҳарбий интизом ҳолати, миллий қадриятлар ва миллий спорт турлари йўналишлари бўйича ўтказилади;

в) мусобақанинг ғолиби – Амир Темур жанговар байроғи, диплом ва енгил автомобиль билан тақдирланади;

г) мусобақа ғолибига Амир Темур жанговар байроғи Ўзбекистон Республикаси Президенти – Қуролли Кучлар Олий Бош Қўмондони ёки унинг номидан Ўзбекистон Республикаси мудофаа вазири томонидан 14 январь – “Ватан ҳимоячилари куни” байрами арафасида тантанали равишда топширилади;

д) мусобақани ташкил этиш ва ўтказиш билан боғлиқ харажатлар Мудофаа вазирлиги учун ҳар йили ажратиладиган бюджет маблағлари, Ҳарбий-маъмурий секторларни ривожлантириш жамғармаси маблағлари ва қонунчиликда тақиқланмаган бошқа манбалар ҳисобидан қопланади.

### 3. Қуйидагилар:

Ўзбекистон Республикаси Мудофаа вазирлиги қўшинларида “Амир Темур жанговар байроғи учун” мусобақасини ўтказиш тартиби тўғрисидаги низом 1-иловага мувофиқ;

Амир Темур жанговар байроғининг тавсифи, уни сақлаш тартиби ва кўриниши 2- ва 2-“а” иловаларга мувофиқ тасдиқлансин.

### 4. Ўзбекистон Республикаси мудофаа вазири (Б. Қурбонов):

Амир Темур жанговар байроғини топшириш маросимини, уни сақлаш, қўриқлаш (жумладан, вақтинча сақлаш, қўриқлаш), таъмирлаш ва алмаштиришни Ўзбекистон Республикаси Қуролли Кучларининг умумҳарбий низомлари талаблари асосида ташкил этсин;

фуқаролар, жумладан, ёшларимиз ва ҳарбий хизматчилар ўртасида Ватанга меҳр ва садоқат туйғуларини, миллий армия ва унинг сафида хизмат қилишдан фахрланиш ҳиссини кучайтириш мақсадида ҳарбий хизматчиларнинг Амир Темур жанговар байроғи олдида суратга тушиш шаклидаги рағбатлантириш турини жорий этсин. Ушбу рағбатлантиришга сазовор бўлган ҳарбий хизматчилар ҳақидаги маълумотлар улар таҳсил олган таълим муассасалари ва яшаш жойларидаги ёшлар ўртасида ўрнатилган сифатида тарғиб қилиниши бўйича аниқ мезонларни ишлаб чиқсин;

Амир Темур жанговар байроғининг мамлакатимиз мудофаа салоҳиятини мустаҳкамлаш ҳамда ҳарбий-хизматчилар ва ёшларни ҳарбий ватанпарварлик руҳида тарбиялаш борасидаги ўрни, жанговар ва маънавий-руҳий аҳамияти оммавий ахборот воситаларида кенг ёритилишини йўлга қўйсин.



5. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Мусобақани юксак савияда ташкил этишда ҳарбий округлар (бирлашмалар) ва ҳарбий қисмларга ҳар томонлама қўмаклашсин.

6. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига Амир Темур жанговар байроғи тўғрисидаги маълумотларни ва Мусобақа жараёнларини кенг ёритиб бориш тавсия этилсин.

7. Ўзбекистон Республикаси Президентининг 2020 йил 1 декабрдаги "Ўзбекистон Республикаси Қуролли Кучларида ўз касбининг устаси унвони учун кўрик-танловни ташкил этиш ва ўтказиш тартибини такомиллаштириш тўғрисида"ги ПҚ-4905-сонли қарорига 3-иловага мувофиқ ўзгартиришлар киритилсин.

8. Ўзбекистон Республикаси Мудофаа вазирлиги бир ой муддатда тегишли вазирлик ва идоралар билан биргаликда Ўзбекистон Республикаси Қуролли Кучларининг умумҳарбий низомларини тасдиқлашни назарда тутувчи Ўзбекистон Республикаси Президентининг фармони лойиҳасини ўрнатилган тартибда киритсин.

9. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти ҳузуридаги Хавфсизлик кенгаши котиби В.В. Махмудов зиммасига юклансин.

**Ўзбекистон Республикаси  
Президенти**



**Ш. Мирзиёев**

Тошкент шаҳри